

Nalog supervizora o održavanju referenduma na području Brčko Distrikta

Jedini zakon kojim se trenutno regulira pitanje referenduma u Distriktu je Zakon o referendumu Socijalističke Republike Bosne i Hercegovine iz 1977. godine. Ovaj zakon je sada zastario kao zakonski okvir kojim se regulira sprovedba referenduma u Distriktu. Stoga je važno da supervizor regulira uvjete bilo kojeg referenduma koji u budućnosti bude održan u Brčko Distriktu.

Sukladno tome, supervizor za Brčko, Raffi Gregorian, je danas izdao [nalog supervizora](#) kojim se zahtijeva da referendumima na području Brčko Distrikta budu predmet prethodne saglasnosti supervizora za Brčko u pisanoj formi i budu organizirani jedino pod uvjetima koje odobri supervizor za Brčko.

Pošto sprovođenje referenduma može biti politički osjetljivo pitanje, posebno u multietničkoj zajednici kao što je Brčko Distrikt, svaki referendum treba organizirati na način koji će rizik od posljedične političke nestabilnosti svesti na minimum i koji će spriječiti uplitanje u uobičajene aktivnosti stanovnika Distrikta. Namjera supervizora *nije* da zabrani bilo koji referendum koji je u skladu sa ustavom i zakonima, već da osigura da svaki referendum bude sukladan Općem okvirnom sporazumu za mir u Bosni i Hercegovini („Daytonskom mirovnom sporazumu“) i sproveden na način koji je pošten prema svim stanovnicima Distrikta.